摘藻堂四庫全

書薈

要 经 部

欽定四庫全書着要 尚書全解卷十八

詳校官祭酒臣幸無恒

欽定四庫全書營要卷五百五十六經部 钦定日華全書 一 伊訓太甲三篇相連屬不可以無别也故别為篇名 致其拳拳爱君之意而作也而其簡冊所編次則與 曰咸有一德蓋其篇中有曰惟产躬暨湯咸有一德 尚書全解卷十七 此篇盖伊尹致政告老而歸訓于太甲丁寧告戒終 作成有一德成有一德 尚書解 商書 林之奇 撰

戒之經言惟尹躬暨湯咸有一德言己之君臣皆 惟賢材左右惟其人是戒太甲使善用臣也詳考 有統一之德戒太甲使君臣亦然此主太甲而言 繁於是也漢孔氏曰言君臣皆有純一之德唐孔 臣有一德者欲令太甲亦任一德之臣經言任官 故借此四字以為簡冊之別然此篇之義不必全 此篇終始之義信如二孔之說盖此篇之意實 氏曰伊尹致仕而退恐太甲德不純一作此篇以

有如名公日闢國百里取其始終之美遂以名是 之詩其篇言是天疾威天寫降喪而篇終曰昔者 則妄妄有穿鑿而不得通者且以詩隱之如名是 之姑借此字以為篇名之别馬若必從而為之說 如梓材無逸立政之類不必皆盡其一篇之義要 之德就書之篇名以篇中字為簡用之別者多矣 二字為此篇之名乃若詩之義不在是也而作序

太甲慎於用臣君臣上下克終厥德以盡其統

た 己 3 5 c c c = 1

尚書解

史官相傳以為書之總目既非出於一人之手故自 之者故子嘗謂書序之作非出於一人之手盖思代 立政與此篇之序比之諸序最為簡省若以為經文 言其所以作是篇之意者如各單作明居周公作 已明故略之然其諸序亦有經文已明而序文詳言 可以為必然也百篇之序蓋有述所作之人而不 類皆妄論也故二孔之論此篇雖誠有此理然未 者乃曰是関也関天下無如名公之臣也若此之

伊尹既復政厥辟将告歸乃陳戒于德 夫子之手必於其間校量同異輕重盡以春秋聚貶 而求之則将不勝其鑿矣 此不可校量同異而為之說尚以書序之作盡出於 若杜預所謂史有文質解有詳略不必泥也學者於 是言伊尹復政厥辟将告歸乃陳戒于德則其序亦 有詳略不同至於書之本義不在是也如此篇發首 可言其致政告歸之意然當時史官所録者止如此 尚書解

成名立則奉身而退不以龍利而居成功也夫豪傑 **惜權柄不肯還政於宣帝而積其疑似之際卒成族** 虎而不得下之勢者如霍光之忠義蓋所謂可以託 之士蓋亦有可以當受遺託狐之寄者然至於天下 践天子之位故伊尹於是還政太甲告老而歸蓋功 太甲既終丧伊尹以冕服奉之于桐宫以歸于亳始 六尺之狐臨大節而不可奪者然而龍盛勢尊則 之權在於掌握則往往固各而不肯含者有以為騎 巻十七

與人一介不以取諸人彼其視千駒之多天下之大 繫各其心哉孟子曰非其義也非其道也一介不 害于其家則凶于其國其禍如此之慘也伊尹以是 服奉嗣王而歸既復政而遂告歸而去豈復以權勢 他惟其既執天下之大權而不忍棄去故其末流 又往往肆其不執之心欺孤兒寡婦而奪之位此無 芝日華全書 以異於一介之取與則眇然天下智何足以動其 尚書解

滅之禍此猶可言也至於曹操司馬懿桓温之徒

為之歷陳天人影響之應所以禍福興亡之理以堅 歸本出於爱君之誠心拳拳然而不能自己也於是 所養也固所守也確必可以離師傳而弗反然其告 後改過遷善之心作於憂患之中其於處仁遷義蓋 伊尹雖告老而歸然太甲欲敗度縱敗禮蓋當習於 心哉此其盛德大業所以歷萬世而不可企及者也 未久也而遂處至尊之勢躬覽萬幾之務伊尹及其 下流而為放解那侈之事其居桐宫也困心衙慮然

以亡 曰嗚呼天難諶命靡常常厥德保厥位厥德靡常九有 其修德之志其言尤為搬到切至蓋其所以望於太 基於此使太甲優游慶飲入於其心而不肯也故伊 禍福與亡之理者以戒之也 将告歸乃陳戒于德蓋陳其德之常與不常以致夫 尹得遂其高尚之志遠處於不用之地而無憂故曰 甲以克終允德而為商家社稷無疆之休者其言實 5 At data | 1997 尚書

常則天命亦無常而不可信矣如以舜繼竟以禹繼 常則雖在有九有之衆亦不救於亡蓋人之德既無 蓋人之德有常則天命亦有常而可信茍其德之不 治或變而為亂安或變而為危當其既安且治矣而 者信也天之難信者以其禍福與亡之命初無常也 嗚呼者數而發其辭也蓋言之不足故嗟數之也甚 惟其德則可以為常有能常厥德則其治可以永保 遂信其無復有危亂則凶禍隨之矣蓋天命之無常

廢矣九有即九州也夏商周皆是用禹貢疆理之法 主而言命則將以天命為可信而常厥德保厥位者 也惟天命之所自出是以惟人主不可以言命使人 分天下以為九城夏之九州即禹貢所載是也商之 使以丹朱繼堯以商均繼舜其德既不常則天命亦 蓋堯舜禹三聖人皆有常德故天命亦從而有常尚 将不常矣故人君之德常與不常是天命之所自出 舜天下大安大治者幾二百年此非天命之有常也

的茅饰

命眷求一德偶作神主惟尹躬暨湯咸有一德克事天 夏王弗克庸德慢神虚民皇天弗保監于萬方啓廸有 心受天明命以有九有之師爰革夏正 新定四库全書 所載者也 王桀不能常其德幽則慢於神明則虐於民彼所以 祭之所以失天下湯之所以得天下者以證之矣夏 九州先儒以為即文觀之即成周之九州職方氏之 伊尹既言天命之無常惟有德則可常於是當引夫

不有命在天也既慢之虐之矣於是民怨神怒皇天 萬方之衆擇其能有天命者而開源之於是養求其 錐欲者有夏而存之不可得也故於是棄之而弗保 慢神產民者其意蓋謂天命之可信如約所謂我生 九州之衆華夏正而有天下也華夏正者夏以建寅 有純一之德故能上當天心於是受天之明命以有 天既棄禁而弗保然而天下不可以無主也故監視 徳之人俾為天地神祇之主矣而我商家君臣咸

難甚命靡常惟有德可以為常於是遂言禁之所以 失天下湯之所以得天下者蓋天之所以不保於禁 此說非是某於堯典已詳論之矣伊尹既於上言天 為正易之革曰湯武革命順乎天而應乎人是也而 事前世未曾有盖始於湯武王因之遂以建子之月 者是禁之弗克庸德自不能保也自緯候之書出於 之月為正湯既勝夏始以建五之月為正是革正之 者乃以為正朔三而改自古相變謂夏以前选用

欽定四庫全書

2 2 1 2 享天心受天明命是其一也故其說以謂所征無敵 使為人主者不知取必於其德而妄意符命於不可 習而卓然有超世之見其論伊尹成湯咸有一徳克 漢世祥瑞之說雜然而起儒者爭言三代受命之符 非人力之所能致而自至者符瑞之說不勝其煩礼 謂之受天命夫漢儒之論往往以謂帝王之興必有 罪也孔氏生於漢世其於經也蓋有不淪於諸儒之 測之間使王莽因之而篡漢者推其源流皆漢儒之 尚書解

鉒 遠人道遍天之命人非有言辭之告正以神明佑之 其在是矣唐孔氏亦識其意遂從而發明之曰天道 予后來其蘇是則人心之無所不服人心既服天命 氏不然以謂湯之所以受天明命者惟所征無敵耳 使之所征無敵謂之受天命也緯候之書乃稱有黃 至於東面而征西夷怨南面而征北秋怨曰奚獨後 也若漢孔氏可謂不畔於經矣若唐孔氏亦可謂無 元龜白魚亦雀員圖街書以授聖人正典無其事 四层白油 卷十

非天私我有商惟天佑于一德非商求于下民惟民歸 僭在人惟天降炎祥在德 故天佑之也其所以有九有之師者非商之求于下 者非天之私我商家也惟天之所助佑者在于一 民也惟民之所歸者在于一德我有一德故民歸之 此又申前之意以盡其義也言湯之所以受天明命 員於先儒矣 德德惟一動罔不吉德二三動罔不凶惟吉凶不

徳之二三而動罔不凶也蓋徳之二三則是凶徳也 之所降災祥惟在於德故也自其降於天者而言之 降災祥在德言天之吉凶所以不僭差於人者則 徳之一與其二三故繼之曰惟吉凶不僭在人惟 以凶德而動豈有不凶者哉惟其動之吉凶皆繫於 不吉者哉禁之所以天不佑之而民不歸之者以其 罔不吉也蓋德之一則是吉德也以吉德而動豈有 也我商家所以天佑之民歸之者以其德之一故動 定匹庫全書 | 九三日草公告 伊尹告歸其言及於一德常德尤為詳盡者蓋以謂 育所以悠久而不變者惟其一而常常而一故也故 盡而其大要則惟言天命之不可常惟有德則可以 為常人事之得失動於此則天命之從違應於彼不 也伊尹自篇首至於此丁寧反覆如此之詳如此之 則為災祥自其受於人者而言之則為吉凶其實 可不謹也既曰常德又曰一德者惟一故常惟常於 一天地之覆載日月之照臨四時之推遷萬物之生 尚書解

康矣惟其盛德之高明光大也如此故能復受天命 雲漢烝民江漢六月采艺之詩画已無愧於文武成 以中興周室而復會諸侯於東都非其聰明容智之 者且以周宣王觀之當其側身修行任賢使能見於 末乃澶漫而不振此雖聰明客智之主有所不能免 常人之立事無不銳於始而工於初至於中則稍怠 賢之心替於鳴鶴追其末年遂至不籍千畝料民太 有以過人者豈能爾哉及其憂勤之志弛於庭療好

室自此衰矣此無他惟其德之不常不一故也故太 也善乎蘇黄門之論陸贄也其言曰贄始以官從事 則天命亦不常矣故其言之丁寧反覆如是之切至 心謂德之可常而天命之不可常也尚其德之不常 至于豫怠澶漫而不振也故其言丁寧反覆以堅其 以踐天子位及其告歸而去也則懼其歷年寝久遂 甲錐能處仁遷義於憂患之餘而伊尹以冕服奉之 原而沒不克終繼以幽王之暴虐平王之孱弱而周

飲定四車全書一

尚書解

持有恒之心故勇怯各得其當然其君臣之間異同 盖耳又曰德宗常持無恒之心故前勇而後怯赘常 德宗之無恒以巫醫之明而治無恒之疾是以承其 至此欲其上下相保不可得矣夫以德宗之為人也 德宗老而為宰相從之出奔而與之反國彌縫其關 手其故何哉孔子曰南入有言曰人而無恒不可以 作巫醫善夫不恒其德或承之羞贄以有恒之德事 而濟其危比其反也功業定矣而卒斃于聚延齡之

惟賢材左右惟其人 今嗣王新服厥命惟新厥德終始惟一時乃白新任官 飲定四庫全書 告戒出於爱君惡切之誠而不能自己也 如之何也已而況於告歸而去乎故其將去也丁 使太甲之德至於不恒而不一則雖伊尹在朝亦未 上下不能相保伊尹錐以一德為太甲之師傳然 伊尹前既論天命之無常惟有徳則可以為常徳之 既非恒 德一德則雖以陸贄之賢事之卒至於君 責也今太甲既能克終厥德還自桐宮以踐天子之 之中而其禍不及於百姓者以伊尹實當天下之憂 **亮陰百官總已以聽家宰也其萬幾之務皆伊尹之** 任之是以太甲之初雖欲敗度縱敗禮自肆於宫禁 所則裁當此之時天下之治亂社稷之安危伊尹實 之忠所以期望於太甲者以終其義也方太甲宅憂 與之際反覆推明可謂曲盡其理矣於是致其拳拳 得失動於此則天之禍福吉凶應於彼其於天人相 飲定四庫全書 告戒之意故謂今嗣王新服厥命書新厥德言新有 事於萬钱之務言而作命實四方萬姓之所觀聽 其身之所自任者歸之於太甲有不可不盡其丁寧 之耳目尤不可不謹也高宗亮陰三祀百官總已以 一言 而太甲於是親萬幾之務矣既已親萬幾之務則其 位伊尹於是復政厥辟告歸而去不復以庶政自關 人君即位之初發號施今所以端本正始而新天 一動而安危治亂之機於此而萌矣伊尹既以 人尚書解

台恐德弗類兹故弗言蓋謂始有言于天下尚為輕 發號施令為天下之所取信者惟在于日新厥德德 動而妄發後雖悔之亦何及矣故其新服厥命將欲 命不言臣下罔攸禀令而高宗以謂以台正于四方 臣進諫于王曰天子惟君萬邦百官承式王言惟作 聽冢宰及其免喪而踐天子之位也且恭黙不言產 者日就月將學有緝熙于光明是也故繼之曰終始 時乃日新言始乎如是終亦如是終始惟在于

飲 道並行而不相悖又回聖人如天時殺時生君子 也而伊尹曰一所以新也是謂萬物並育而不相害 而應則日新矣中無主則物為宰凡喜怒哀樂皆物 定四庫全書 一一故不流 因物賦形天不違仁水不失平惟一故新惟新 德而無造次顛沛之或違是乃其德日新之道也 氏曰中有所主之謂一中有主則物至而應物至 能使新之如衆人之言新則不能一而非日新 **故無數此言盡之矣終始惟一時乃**

以來間而進榮惑人主之心析盡害其德日滋月益 其德然每母至於沒不克終者蓋未嘗不以小人 不吉之義也為人君者亦莫不欲終始惟一則日 心之非 流入于敗亡而不自知故大臣之事君 新蓋所以總結上文常厥德保厥位德惟一動 有加而無己也是以伊尹之告歸尤丁寧服切 用 而成 於朝 不能間之以小人則其日新之德 就其德又當使之舉賢材而用之 既 有以 罔

官者必得賢材而用然後無源官無曠職任官者既 馬小尹之任又不可不選忠良之人而用之不忠良 得賢材皆在王之左右所謂侍御僕從級衣虎資那 則是左右之非其人也蓋賢材雖已任官苟左右之 可任選左右必忠良不忠良非其人原孔氏之意以 定四庫全書 任賢材充位列職自大臣至於百執事是也居是 左右惟其人漢孔氏曰官賢材而任之非賢材不 既日終始惟一時乃日新而又戒之曰任官惟督 長書解

欽

其意遂以左右為大臣謂左右者如説命曰王置 下豈不贅哉此蓋未嘗致先儒之意而妄為是説 而不得一施矣孔氏之言雖簡而其音明説者不悟 非其人縱有賢材亦將見陷於浸潤之譖膚受之想 右謂 古賢材既居于位矣而天子左右或非其人則其 任官惟賢材則大臣已在其中矣而又加左右於 所據而云然與上文任官惟賢材文勢不相應既 惟其人者如周官曰官不必備惟其人此雖

臣為上為德為下為民其難其慎惟和惟 矣有弘恭石顯在于左右則周堪蕭望之之賢材無 無所施矣有仇士良陳洪志在于左右則裴度之 材無所施矣欲賢材之任官而得其忠非左右惟其 所施矣有曹節侯覽在于左右則陳蕃李膺之賢材 人不可也 兩句說者不同漢孔氏曰言臣奉上布德順下訓

勢不兩立小人必勝君子必退至於不能自存者多

R AL D ME do dulo 1

尚書解

民上者非為爵禄也為德也德非位則不行其所 為德則如字為民則于偽反文勢同而意訓特異必 則于偽反為下則如字又為德與為民相對為文而 则便 民唐孔氏遂謂為上謂奉為在上為德謂布為道德 反為德為下如字夫為上與為下相對為文而為上 氏亦同此說故陸德明釋文曰以為上為民為于偽 此理是知先儒之說不可從蘇氏曰臣之所以為 下謂果順以為臣下訓民謂以善道訓助下民顧 巻十七 C 20 0 10 10 10 10 皆不通某妄謂此四字皆當音于偽反蓋伊尹既言 徳則通而以為下為民言為其下造成其為民之行 所以為民之行則經文但有德字無行字是知此說 以為民上則經文並無為民上之意如王氏為上為 尚書解

徳者將順正找為其上造成所以為君之德所謂為

如蘇氏之言為下為民則通以為上為德言臣之所

下為民者先後相勸為其下造成所以為民之行也

為我下者非為爵禄也為民也王氏曰所謂為上為

曰為上為君而曰為上為德也臣之為上既在於君 不可哉惟君有可有不可而民則無所不可也故 非其君之有徳則不可得而為之也至於民則何所 惟人君之有德則可以致其輔相之力尚人君無 京·田·彦·台·号 任官惟其人不可以小人在於人主之左右使君子 有不可與有為之君而無不可治之民臣欲為 一效其能而未足以盡其義也故又言賢材之 有賢材亦未如之何也已若民則無所擇也

德無常 師主善為師善無常主協于克一件萬姓成日 钦定四車全書 一 者無不得其志矣 於天下也能如此則其德日新而臣之欲為上為德 當疏遠小人憂之畏之惟恐有得乘其隙而進也惟 人之所排擊沮難而不能自存故繼之曰其難其慎 惟一者言當親近君子與之協心同德以大有為 和惟一言為君必如此而後可也其難其慎者言 尚書解

之有德尚其君之無德則雖得賢材而用之必為小

生 大哉王言又曰一哉王心克綏先王之禄永辰然民之 就吾之常德者皆在所主也孟子曰大舜有大馬善 與人同舍已從人樂取諸人以為善中庸曰舜其大 師者言欲日新其德故無一定之師凡主於善者皆 此又戒之以并謀軍智合以為公無偏黨也德無常 智也與舜好問而好察通言隱惡而揚善執其兩端 所師也善亦無一定之主首協于克一而可以成

次定日東公書| 致開元太平之治及其感於聲色則私心漸勝於是 舉國家之務而信一李林甫專咨朝政者十有八年 師而善之無常主也苟使德有常師善有常主則其 用其中於民其斯以為舜乎此有以見其德之無常 心必有所繫各而不為公心有所繫各而不公則小 此則偏聽而不能并謀無智與天下為公而民之 得以窺何其意之所在以迎合其意而投其所好 服者多矣如唐明皇始用姚崇無容天下之善以 尚書解

撓於其間則天下其有不心院而誠服者哉故其發 無常主樂與人為善以與天下為公而私意小智不 能 至於末年諫諍路絕上下之情不通及其一旦盗發 一陵四海横流唐遂陵遅不可復振此無他一有 施令則萬姓皆曰大哉王言又曰一哉王心盖由 合并以為公故彼乘隊而入也尚能德無常師善 可用而又推原其所謂用小人者自夫君之心不 則天下之不服者聚矣故伊尹既戒太甲小人之 偏

だナセ

嗚呼七世之廟可以觀德萬夫之長可以觀政后非民 欽 定四庫全書 其言之大則見其心之一也蓋德無常師善無常 王之寵禄而下馬可以永底烝民之生育矣 則其德萬明盛大無以復加矣故上馬則可以綏先 期大而自大尚其心有緊吞之私於方寸之間紛然 不信矣德至於萬姓咸曰大哉王言又曰一哉王心 其心公而不私不私故其心一其心一則其言不 亂臭適為主雖諄諄然告人以其心之一而人愈

民主周與成厥功 罔使民非后罔事無自廣以狹人匹夫匹婦不獲自盡 及湯與二昭二移而已此蓋妄為之說其實三代皆 文王武王二祧與親廟四太祖后稷也商則六廟契 天子七廟其來尚矣而鄭氏云周制七廟者太祖 嗟而申之以終其意也七世之廟 天子之廟也三昭 伊尹所以訓告太甲者轉復惡到盡於此矣於是洛 三穆與太祖之廟為七也此商書也言七世之廟則

飲定四庫全書 太甲有七世之廟可以示其德於下為萬夫之長可 廟下為萬夫之長必其德政有可觀者然後可也季 觀者有以示於此而被得以見之之謂也其意以謂 武子曰諸侯來魯於是乎觀禮與此觀同林子和曰 以示其政於下言其勢之易也案此說則觀字當從 非德之可觀則無為萬夫之長太甲既上事七世之 也非德無以遺後非政無以齊衆伊尹之言此者謂 事七廟也萬夫之長者猶所謂萬姓萬民亦謂天子

皆有可觀於下則必有道矣惟不以民之至愚而忽 然也若謂后之可以使民遂以至尊之勢而驕之則 匹夫正婦不獲自盡民主罔與成厥功蓋言君之勢 之盡其所以敬民之道無一夫之不獲者德與政將 去聲讀與易觀卦之象觀同其說亦通大欲德與政 將自廣以狹人矣若以民之勢為在於事上遂以至 不可勝其用矣故繼之曰后非民罔使民非后罔事 相須而立后使民而民事后蓋其尊甲之分不得不

欽定四庫全書 盡也有一夫一婦不獲自盡則乖戾之心生而天地 獲自盡則是人君之心有所未盡故彼亦不得以自 太甲欲善其德與政則當克自抑畏其視天下愚去 矣兹誠治亂安危之本也故終篇尤深切於此以謂 愚婦一能勝子而盡其欽民之道無自以為廣而謂 甲之勢而虚之則匹夫匹婦將不獲自盡矣為上者 既自廣以狭人為下者將不獲自盡則君民之心離 為狹的使四海之廣萬民之泉而有一夫一婦不

常主協于克一而必以萬姓為言至於無自廣以來 萬姓咸曰大哉王言又曰一哉王心然後為能盡其 之心自此去矣故太甲論德無常師主善為師善無 有之亡者亦豈在天也哉失匹夫匹婦之心則天下 心此庸德一德所以克終也至於厥德靡常而致九 陰陽之氣亦将乖戾而不和矣其何以成厥功哉是 以人主之職必在夫得萬國之雖心以事其先王使 則但曰匹夫匹婦不獲自盡民主罔與成厥功亦

飲定四 矢口 召許曰我不敢知曰有夏服天命惟有歷年我不 厥宗詳及此篇終始之義又與召結之言曾無少 插 難甚命靡常常厥德保厥位厥德靡常九有以亡 召告日今王嗣受厥命我亦惟兹二國命嗣若功 曰不其延惟不敬厥德乃早墜厥命即此篇所 其所謂爾 中全古 ア 謂今嗣王 服嗚呼若生子罔不在厥初生自貽哲命 惟德罔小萬邦惟慶爾惟不德罔大 巻十七日 厥命惟新厥德也召語曰其

國之安危休威為意者惟其恃天命而廢人事故母 命也夫中才庸主其所以偃然自肆於民上而不以 該告戒之言若合符契其大意則皆以謂天命不可 成王皆是始踐尊位而攬萬幾之務故伊尹召公諄 必而人事為可必不可以廢人事而不修而歸諸天 即此篇所謂后非民罔使民非后罔事無自廣以被 惟王勿以小民淫用非桑至欲王以小民受天永命 人匹夫匹婦不獲自盡民主罔與成厥功也蓋太甲

欽 命歸於自然之數而謂本於人君之德與不德者蓋 若言命則禮樂刑政皆無所用矣必之言誠與咸有 能致也夫德宗总棄厥德用盧把以致禍亂至於鄉 與播遷生民逢炭岩可以少悟矣而猶歸咎於天可 建中之亂術士豫請城奉天此蓋天命非用盧把所 至於敗亡而不自知唐德宗與李沙論建中之亂曰 定四庫全書 謂愚矣故李泌日命者他人尚可言惟君相造命者 徳召诰 之相太甲召公之相成王不以天

篇太戊替于伊陟作伊陟原命仲丁遷于蹈作仲丁河 沃丁既葵伊尹于亳谷單遂訓伊尹事作沃丁伊陟相 太戊亳有祥桑穀共生于朝伊陟赞于巫咸作咸人四 能必也 謂君相造命不可以言命也伊尹召公之言太甲成 以正者泌之所能必也至於用與不用則非泌之所 而唐室陵遅其言則同而其治亂則異何也蓋對必 王信而用之故能成商周之治泌之言德宗不能用

重
京中居村代河宮甲祖乙北丁即代在乙北丁即代在乙

尚书					•	
尚書全解卷十七		-		-		
解	-					
ナ	-					
と						-
• .			-			
			-		-	
				-		
			-		. :	
			-			
•						

盤度五遷將治事段民咨胥怨作盤真三篇盤度 欽定四庫全書舊要卷五百五十七經部 嚻河夏甲居相作河夏甲祖し北于耿作祖し此皆 逸書之序蓋有其書雖己七而其所述亦可證見存 尚書全解卷十八 之書者若其記載商人遷國之始末也自契至于成 八遷湯始居毫從先王居作帝告釐沃仲丁遷干 商書 林之奇

欽定匹庫全書 契至于成湯凡十四世而八遷其國蓋古者邑居 序蓋所以為盤與之書張本於前若左氏傳或先 復不明于世故自帝告釐沃以至于祖乙五篇之 書之序以見其前世遷徙之始末則盤其之意亦 逸書之序也盤其五遷將治喜殷民咨胥怨作盤 之始祖受封於唐虞之世始有爵上傳之後世自 展三篇此見存之書也盤 展之書雖存然不得逸 經而始事也學者欲讀盤其當以此序始契者商

儒以先王為帝譽非也武成曰惟先王建邦啓土 鎮且亦屬遷也商之八遷思世久遠其書雖己亡 **搜封於部公劉徒が太王徒岐文王徒酆武王徒** 彩約而不費故不以屢遷為勞也如周之先世后 無常擇利而後動其宗廟社稷朝市之制簡而不 不出於其所封之國也湯遷居于毫從先王居先 逸不見其所還之地亦如文武而上遷徒無常而 公劉克為前烈至于太王肇基王迹王季其勤王

鼓定匹库全書 王居蓋是契之舊邑也商頌曰玄王桓撥周語曰 家其日先王蓋指后稷也周以后稷為先王則先

女王勤商十有四世而與先王為契何所不可而 湯從而居之遂克夏而有天下湯之後傳八世至于 必以為帝嚳也毫蓋契之所居實王案所基之地

是也太戊朔其子仲丁立始自毫遷于嚻仲丁前弟

外壬立外壬崩弟河直甲立後自臨遷一相河里甲

太戊皆居于墓成义之序曰毫有祥桑穀共生于朝

節定四庫全書 一 是以前八後五共為十三遷也故序曰盤庚五遷將 湯至于祖乙五遷此所謂後五也湯一人而再數之 前八後五蓋自契至于成湯八遷此所謂前八也自 於書之序者然也是以張平子東都賦曰商人屢遷 被於墊獨已甚遂謀遷于屯殷此其遷徙之始末見 為水所地欲改遷于他所而重勞民故遂留于耿自 子祖乙立復自相遷于耿既遷于耿則其地水泉濕 乙以來凡歷五世竟不克還及盤庚即位而民之 尚書解

皇南諡云在梁穀熟縣或云濟陰毫縣唐孔氏於此 稱或單稱殷也毫殷說者不同鄭氏云在河南偃 之舊都故治毫殷而將居馬亳地名也殷亳之别 以前惟稱商而已自盤庚既都毫之後於是殷商兼 又五遷也盤庚既承祖乙圯于耿之後將欲遷於殷 治是殷其文蓋與自帝告釐沃至于祖乙五篇之序 ,勢首尾相貫蓋自契至成湯八遷而自湯至祖乙 周希聖曰商人稱殷自盤庚始此言是也蓋自此

大配日上上 は 1 之三亳則解曰湯舊都之民服文王者分為三邑其 知鄭説比諸家為長鄭説既以亳為偃師故於立政 四方之極使毫地非河南則商領之言不應如此 日邦畿千里維民所止肇城彼四海又日商邑翼 方之所取中故商頌曰古帝命武湯正域彼四方又 為可從蓋偃師在河南其地實與周之洛邑相近乃 四方朝朝貢賦道里取中之地惟其都邑之勢為四 諸説莫知所從學者難以折衷而某竊以謂惟鄭説 葛鄉則信以為近毫之葛此正孔氏以升自而為出 葛鄉也毫地在偃師去寧陵八百餘里豈當使民往 葛伯不祀湯使毫衆往為之耕萬即今梁國寧陵之 長居險故言阪尹蓋東成率南輾較西降谷也此說 為之耕乎其地名不同說者變易數千年之後及之 必不如此之遼也皇甫諡又以為湯居亳與葛為鄰 名為亳則二毫之地隔絕縣亘乃數百里建尹立監 可信皇甫謐以穀熟為南毫蒙為北毫三處之地皆

室奢侈下民邑居墊益水泉潟鹵不可以行政化故 從都于亮皇甫盜曰耿在河北迫山川自祖辛以來 民皆侈靡故盤庾遷于殷此諸説大同小異而某竊 居湯舊都王肅云自祖乙五世至盤庚之兄陽甲宫 地迫近山川當地馬至陽甲立盤庾為之臣乃謀徙 所遷之意說者不同鄭氏曰祖乙居耿奢侈踰禮土 為偃師而以商頌之言為證盤庚五遷將治亳殷其 其不意皆未可以為定論也故宜推本鄭氏之說以 情斯民不悟盤庚所以遷之之意而為浮言之所搖 所利而富家之所不欲而唱為浮言以搖動小民之 毫蓋擇其高燥之地而將使居之是舉也是小民之 家巨室總丁貨實傲上從康而不可教訓其間問之 久也為水所地而不可居蓋其地沃饒而塞障故富 民則告於為折離居而罔有定極盤原於是謀居于 定四庫任書 沃饒近鹽祖乙不審于利害之實而從居之其居之 以謂王肅之説為當耿地乃漢皮氏縣之耿鄉其地

簡編之别遂從省文錐不加許字實語之體也王肅 曰 取其徒而立功但以盤庚名篇此則失之矣此書 意其後世失之或者以其篇名既有上中下字為其 篇以為盤庚之誥則此三篇皆誥辭也然不曰誥者 動故自戴而怨亦皆不欲遷也盤庚乃登進庶民告 以遷此三篇之所由以作也哀十二年左氏傳舉此 民之視聽使屋臣不敢肆為過逸之言而民皆樂從 之以所以遷都之意且戒羣臣無扇浮言以搖惑斯

鉝 告其羣臣中篇告其庶民下篇告百官族姓強生分 别改之於經而不合不可從也 以民不樂遷開釋民意語以不遷之害遷都之善也 分為三篇而以上中下為之別唐孔氏曰此三篇皆 下篇民既從遷故解復益緩此說是也王氏曰上篇 三篇皆是語其民臣之言而其語之者自有先後故 定匹庫全書 一中二篇未遷時言下篇既遷後事而上篇人皆怨 初啟民心故其辭為切中篇民已稍悟故辭稍

盤庚遷于殷民不適有居率額衆感出矢言曰我王來 如台 既爰宅于兹重我民無盡劉不能胥臣以生卜稽曰其 民怨故呼衆憂之人而結誓之竊謂蘇說勝秦誓曰 邑居也率額眾感者先儒以額訓和蘇氏日盤庚知 適之也言盤庚將選于毫殷之地而民不肯之殷有

厥謨夫子矢之之矢同蓋陳其所以遷都之意而告

無辜籲天則籲之為呼蓋常則也失陳也與學陶矢

而效之而龜辭告我曰此耿地無若我何蓋謂苟留 幾於盡致之死地若有不忍之意也既不忍勞民以 遷遂居于耿者五世其地潟鹵墊隘民終不得安其 祖乙也言祖乙自相而來既已居于此耿地耿地既 之也先儒以為出正直之言則其意失矣我王蓋拍 居是不能相正以生也不能相正以生我於是以卜 日重我民無盡劉劉殺也言民既勞矣而又驅之則 **圯將欲復遷于土厚水深之地而不恐重勞民也故**

今不承于古罔知天之斷命別曰其克從先王之烈者 先王有服恪謹天命兹猶不常寧不常厥邑于今五邦 則貞亂蓋凡卜益之事無如還都之為重也 所以祈社稷無疆之永命也周官太卜國大選大師 時築室于兹衛文公楚丘之遷亦曰降觀于桑下云 其吉終馬允臧盖遷都大事也必決之以鬼神之智

居耿則雖天命亦無如之何也蓋古者將遷國邑必

以卜定之如縣之詩曰爰始爰謀爰契我龜曰止曰

業底綏四方 顛木之有由葉天其永我命于兹新邑紹復先王之大 序曰盤庚五遷將治毫殷是自湯至于盤庚之遷併 之以今不承于古周知天之斷命則是盤庚之前所 而數之方及五遷今此言不常厥色于今五邦又繼 於為鹵墊隘猶且擇利而動至于今已有五邦矣案 事而信之凡有事則必謹天命而稽馬其地雖未至 言自湯以來欽奉皇天之命而不敢違謂重卜筮之

定匹厚在書

實歷世久遠不可聽決也夫商之先王既恪謹天命 遷而史家失之盤庚據其當時所見而言之故得其 相戾不可以為據也意者自仲丁至于盤庚更有 遷于邢而汲冢記年亦謂祖乙遷于奄此皆與序文 五遷則可謂之五邦則不可故太史公謂祖乙自耿 惟其文勢不應如此而又所遷者乃復歸于惠謂之 不知何以有五邦若併數盤庚之遷以為五邦則不

遷者既有五邦矣改之前序但有毫蹋相耿之四邦

是違天命也況此毫殷之地乃我商家肇造基業之 是不知上天所斷之命蓋天命汝以遷而汝乃不遷 顛之木由是而生葉葉蓋木仆而更生者也蘇氏曰 之烈能從先王之烈則是我商家既廢而復興如既 邦實王業之所自始也誠能往而居之則是從先王 承先王恪謹天命之意是不承于古也不承于古則 而曰其如我何今乃不能率爾臣民而遇則是不能 以取信于卜筮不常厥邑于今五邦我既卜之於龜

英四月 る言

比 也 日 臣 4 6 6 世無窮之業必有根本之地蓋其王業之所自天命 綏安此四方之民蓋邦畿千里之民得其所止然後 有不得不還者如是天將永我商家社稷無窮之命 于此新邑尚遷而居之則可以給復先王之大業以 人心之所緊其子孫守之則與不能守之則廢湯之 可以肇域彼四海也古者先王之創業垂統以貽萬 之然後有復盛之道此言是也惟天時人事之間蓋 尚書解

木之蠹病者錐勤於封殖不能使復遂既仆而蘇生

來廢適而更立諸第子第子或爭相代立比九世亂 能紹復先王之大業底綏四方也周自犬戎之亂平 然與者盤庚既以耿地墊隘遂復居于成湯之舊都 遷于聞之後失成湯根本之地故數百年問無有勃 夫此九世之亂雖自於第適爭立然亦由仲丁自亳 因其根本之地而據之商家社稷於是復與信乎其 毫文王武王之酆鎬是也案太史公曰殷自仲丁以 王東遷其後不復有還居野鎬之意惟其失文武根

盤庚數子民由乃在位以常舊服正法度曰無或敢伏 得復起齊晉秦楚迭執其柄禮樂征伐自諸侯出而 是亦一東周也彼其所以丁寧告戒敷心腹腎腸而 根本之地故也是則盤庚之遷與不遷實商家社稷 強其臣民以遷者是豈得已而不已者哉 安危強弱之所繁使其惡於浮言橫議而不克遷則 天子擁虚器於上而不能自立此無他惟其不能守 I'M D MAL A MAN TO MA 尚書解

本之地故東周之主錐傳數十世而皆陵遅削弱不

小人之攸意 家臣室之不悦故扇為浮言說說以黃鼓斯民之視 聽至其終也問問之小民亦皆相與洛怨不適有居 間之小民而利於富家巨室盤庚之將遷也始於富 夫耿之地潟鹵墊隘而有沃饒之利是故不利於問 自達於上當此之時如人之一身風邪入其肌膚而 利害之實於是亂矣然其間亦有審於利害之實而 欲遷者則又往往為在位者之所排擊沮難故不能

之心鬱而不得伸故其數于民者必自有位而始其 盤庚知其然於是推原其所以受患之處謂夫民情 受病之處而治之徒攻以毒樂與病勢爭於否塞之 之所以未喻者本夫富家巨室牟利自管傲上從康 而人情否塞之時可以誠意感而不可以勢力較也 亂其脉絡則其関竅閉塞而不通茍不能救其所以 不能率由典法而肆其巧言以赞惑愚民使其欲遷 則將有不可測者矣故人君當夫上下之情不通 的書拜

金方四厚全宝 之也惟舉先王之世其遷都邑也盖有故事存馬今 教于在位者亦非作為一切之新法以整齊而脅從 之遷都亦始於前世之故事使之正其法度而已其 以其言箴規於上則汝無得遏絕其言使不得自達 人之攸箴也盖小人之愚於渴鹵墊隘而欲還者有 大意為此數語以表見其當時上下之情既壅室 此蓋史官序述盤庚所以戒臣民之言而先總其 以正其法度者無他使爾在位之人無或敢伏小

钦定四庫全書 探其意而禁民言也盤庚遷而殷復與用此道也去 舊事而已言不造新令也以正法度而已言不立權 舊典正法也今民敢有聚怨訴疑當立新法行權政 復通者由盤庚之能審其人情之變而處之得其當 以一切之威治之盤庚仁人也其下毀于民者以常 也蘇氏日職誦工諫士傳言庶人誇于市此先王之 論甚善亦有為而發也當時王介南變更祖宗之 也曰無或敢伏小人之攸箴者憂夫百官有司逆 尚書解

之攸箴而介南則峻刑罰以繩天下之人言新法之 為不便而介南決意行之其事與盤庚遷都相類 庾許之者以其迹錐同而其心則異也非特天下之 制度立青苗免役等法而當朝公卿下而小民皆以 與盤庚異者盤庚聚于民由乃在位以常舊服 便者故雖以盤庚自解説而天下之人終不以 而介甫 以此籍口謂臣民之言皆不足恤然所以處之 以新法從事盤庚言無或敢伏小

不得作而所不伏者嘉言而已觀王氏此言其與誦 至於殺身者矣故古之人聖讒說放淫辭使邪說 性有至於亡國敗家者猶受人之妄刺非特傷形有 其下而又曰治形之疾以箴治性之疾以言小人 四日日日 "說其解盤庚又從而為之解以為其新法之地而 雖不可伏然亦不可受人之妄言妄言適足以亂 不許之以盤庚之事而介南亦自知其叛於盤臣 曰無或敢伏小人之攸箴者數之以無自用而違 尚書解

王命衆悉至于庭王若曰格汝衆予告汝訓 言使自摩臣以下至于庶民成得至于庭也周官小 與王氏矛盾也 可冠掌外朝之政以致萬民而詢馬一曰詢國危二 于外庭也王若曰格汝眾予告汝訓者蘇氏曰書凡 曰詢國遷盤庚蓋將遷都而謀于民故使臣民皆至 也雖為王氏而發實得盤庚數民之意非奮其私意 六經以文好言者何以異哉蘇氏之言為王氏而發

汝猷點乃心無傲從康 其心之所存一感於利害之私則將見其利而不覩 氣定上不為名所感下不為利所以者類能知之惟 夫天下利害之實煥然甚明不難知也人主心平而 所謂盤庚數于民由乃在位者也 之而使來也我將告之以予志之所欲言者自此而 下皆為厚臣之扇為浮言以感流俗而發也蓋上文

言若者非盡當時之言大抵若此而已格汝泉者呼

新定匹库全書 | 撓於 曾中故至於傲上從康而不自知其非故盤庚 為害者惟其貪於沃饒之利習於奢侈之俗此二者 其害而利害之實亂矣遷之利與不遷之害在盤庚 告之也始則告之以一言曰汝猷點乃心言汝欲知 之時蓋可以一言決也然其屋臣乃以不遷為利遷 上而不肯遷亦不至於懷安而不欲遷也故繼之以 心則利害之實不為物嚴而漸以明審必不至於傲)都之利害先當謀點去汝之私心也尚去汝之私

若觀人予亦拙謀作乃逸 王用不欽問有逸言民用不變今汝話貼起信險膚子 古我先王亦惟圖任舊入共政王播告之修不匿厥指 舊服正法度是也古我先王者蓋泛指成湯及殷之 其臣皆從先王之命令而無敢逆之者即上文以常 既告以點其私心無傲上從康矣此又稱先王之 知乃所訟非予自荒兹德惟汝含德不惕予一人予 無傲從康

飲定四庫全書 古又無過逸之言以扇惑民聽故民用大變蓋上馬 能不隱匿其百志故先王用大敬之而舊臣所教之 舊人與之共政也王播告之修者此言王亦指先王 賢君舊人者亦泛拍先王之臣也言我先王之謀任 先王先王使之播告其所修之政於天下而舊臣則 從者以其罔有逸言故也而今之厚臣乃不以盤 為王之所欽者以其不匿殿指故也下馬為民之所 也不言先王者變上之文也播告之修言舊臣之事

Ł 淺近而不由中此二者雖皆誕妄無實而皆有以取 信於流俗也在流俗則信之而自知者觀之則弗知 THE POTE OF THE PARTY OF THE PA 不知汝所訟言者果何謂也險謂悅害而幸災膚謂 責之日今汝聒聒起信險膚予弗知乃所訟言汝今 乃聒、聒然肆為多言務以險膚之說起信於人我意 遷都之意告民而乃扇為浮言以恐動之此民之所 以不至于丕變而王之所以不至于丕欽也故繼 所訟也弗知乃所訟者言我之不知汝所言者果 尚書解

皆欲拍為造險膚之人而悉誅也不仁之禍至六經 感天下欲快意於一時老成之人言新法之不便者 庾之時必誅其造險膚者此蓋王氏借此言黃鼓以 之而不忍誅也今曰造險膚者不待教而誅則是盤 而止王氏乃借六經之言欲以肆其不仁之禍是 (盤)東數于民由乃在位則是為險膚之言者皆教 繼之曰造險膚者所不待教而誅此言大害義理 謂也王氏曰不夷謂之險不東謂之膚此論甚善 钦定日車全書 又 數也言汝不能如先王之臣不匿厥拍罔有逸言而 與客嗟而不適有居是我之於汝譬若觀火不於熒 畏懼我一人而肆為險膚之言也汝既不畏懼我 也乃是汝之厚臣恃我有寬容之德含其思惠故不 乃至於無所忌憚以簧惑流俗之聽舉國之人皆相 乃聒聒然起信險膚我反求之不知汝所說則是非 而肆為浮言我不於其始的之時而遏絕其勢今 人自荒廢兹德不能如先王之圖任舊人共政 尚書解

熒之初以成其浮言之過為拙謀則宜以刑威日脅 成汝之過此蓋自責盤庚既以不加刑罰撲滅於熒 網在 者蓋無欲速無見小利者王者之政也欲速則不 之而使從者其謀為不拙矣然終不肯去彼而取 熒之時而撲滅之遂至延蔓而不可救是我之拙 王氏曰若網在綱有條而不紊者言下從上小從 綱有條而不紊岩農服田力穑乃亦有秋 則大事不成雖智民而從之無益也

所以扇為浮言而不肯遷者惟其傲上故偃然自肆 享有秋之利此蓋能近取譬以喻其意也彼厚臣之 申前無從康之戒蓋綱者網之索也舉其索則網之 憚於勞苦之事故設為此譬以喻之使知下之於上 而不畏懼於天子之命令惟其從康故偷安朝夕而 目皆有條而不亂服田力穑謂盡力於播穑之事則 網在綱則固將無傲矣如欲享其利者必若農之

則治此申前無傲之戒若農服田力穑乃亦有秋此

汝克點乃心施實德于民 飲定四庫全書]▼ 知利害之實而若無緣毫強之者此其所以為王者 服田力籍則固無從康矣此盖優游屬飲使之曉然 厚臣所以肆為浮言簧鼓流俗使之不肯遇者其言 利害之實既如網之在綱農之力穑其理灼然可見 处以謂選則害于民不選則無害也觀其言若有極 汝當能點去汝傲上從康之心以施其實德于民蓋

至于婚友不乃敢大言汝有積德 姑息也盤庚之意是爱人以德也故云點其私心以 施實德于民亦欲其以德爱人不出于姑息也 爾之爱我也不如彼君子之爱人也以德細人之爱 之病革矣不可以變幸而至于旦請敬易之曾子曰 人之爱人也厚臣之不肯震動萬民以還是爱人以 也以姑息蓋不以德爱之而徒以姑息爱之是細

于民非實德也自子有疾童子請易黃自元口夫子

欽定四庫全書 言民被實德則汝之婚姻僚友亦皆被實德矣彼其 受其賜矣能如是我乃敢大言汝有積德蓋汝有積 其私心施實德于民則民受其賜而汝之婚友亦皆 民深謀遠慮故其德之及於婚姻僚友而已尚能點 徳之實我云不為溢美矣必曰積德者蓋指世臣也 此篇言古我先王亦惟圖任舊人共政下文言曰古 先哲王暨乃祖乃父胥及逸勤則是所語者大抵是 以謀利自管者徒以為婚姻僚友之計而不能為

其罔有黍稷 乃不畏戎毒于遠邇情農自安不居作勞不服田畝越 大巴日年 A Es 1 庚之數于民欲使在位羣臣點其傲上從康之心而 事不服於田畝則不獲有秋之利而罔有黍稷矣盤 戎大也言尚無所畏慎肆其傲上從康之志大流毒 之徳也 世臣巨室故以積德為言蓋謂如是則無不於先王 丁遠邇如怠惰之農肆其自安不黽勉以作勞苦之 尚書解

由奢而儉難盤庚將欲率其奢侈玩習之人而使之 稷其論農之勤情如是之詳者蓋耿之地沃饒而近 生之樂不如耿之近利也昔公父文伯之母曰昔聖 居於毫殷之地負山阻險非勤非儉則不能事其生 而又曰情農自安不昏作勞不服田畝越其罔有恭 其譬喻必以農為言既曰若農服田力穑乃亦有秋 人之處民也擇瘠土而處之勞其民而用之故能与 斯民習於奢侈之日人人亦有言曰自儉而奢易

賦云盤庚作語率民以苦此言真得盤庚之意孔子 穡胡取禾三百廛兮此不祥之大者也張平子西都 意是以言其勤則有所獲而情則無所獲矣盖民生 偷去逸而即勞故在位扇其浮言而民皆有怨谷之 忘善則惡心生沃土之民多不節淫也瘠土之民莫 在勤勤則不置尚為不勤而有所獲是所謂不稼不 不獨慕義也盤庚之遷意在此然將使民去奢而即

有天下夫民勞則思思則善心生逸則淫淫則忘善

安危之所在而遽爾刑之則是暴虐矣盤庚之遷 適有居此誠中才庸主有所不堪而盤庚且轉復像 忍暴虐其臣民故雖其世臣巨室傲上從康以鼓惡 流俗之聽而間間小民感於流言方相與各怨而不 有頑怠傲很不順其上政令者不加教戒使知利害 到先晓之以禍福安危之理不啻若父兄之教子第 非至紂之炮烙秦之參夷然後有此名也尚臣民之 曰不敬而殺謂之虚不戒視成謂之暴夫所謂暴者 欽定四庫全書 ~ 青之也深而慮之也至其要務欲使知夫長惡不悛 卒然不可測之患矣是以自此而下其言莊重峻計 為害中心悅而誠服也與之共享其安逸而無一旦 者典刑之所不赦然後點其傲上從康之心而樂事 教之戒之化之使之憤然知遷都之為利而不遷之 赴功無強勉不得已之意此誠忠厚之至也 斷也盖以為脅以刑罰使臣民強勉以從已固不若 此非故為是優游不斷之政不能赫然奮其範剛之 尚書解

ナ厥身 是也言汝之犀臣不能平其心定其氣和順悦懌其 言以曉百姓之未悟者而徒肆其浮言以惑之欲其 漢矣辭輯則所謂和言也辭 則所謂吉言也此說 必非厚臣之所能沮也汝徒自生毒惡至于敗禍 沮遷都之議然此遷都之計乃上合天心下從人欲 白博士日詩云辭之輯矣民之治矣辭之懌矣民之

汝不和吉言于百姓惟汝自生毒乃敗禍姦完以自災

乃既先惡于民乃奉其恫汝悔身何及 钦定四車全書 一 先惡于民使天下騷然而不寧尚長此惡而不悛則 惡而不肯廸民亦從而胥怨是先惡于民也為臣而 遷都之利害者必資爾以訓廸而開道之今乃先肆 此言我之所以望爾摩臣者蓋以謂民之愚有未知 之敗禍姦免而自取之也 尚書解 一一

終不率敬則刑罰及之非我一人恐於用刑也是汝

究以自遺災于汝身而已謂自災于厥身者蓋頑罵

時檢民猶骨顧于箴言其發有逸口別予制乃短長 萬乘之威勢生殺之權在予掌握制汝短長之命 過以取禍彼小人于箴規之言猶畏之如此況我以 將自成其疾痛陷於罪戾雖悔之而身何所及也 相觀也與相在爾室之相同蘇氏曰險民小人也 汝乃傲上從康曾不之畏是小人之不若也 小人猶相顧于箴規之言恐其言之發也或有口

告于我而乃相搖動浮言恐動沈溺此下民也王氏 故其責之以謂汝尚心知遷都之未為利又何不入 忘古者忠臣之事君莫不能然而盤庚之厚臣反是 也白博士曰實德者浮言之反也言浮則無實實則 曰恐謂恐動之以禍患沈謂沈獨之於罪戾此言是 之于外曰斯謀斯猷惟我后之德則民情愛戴而不 夫為臣之義有嘉謀嘉猷則入告爾后于內爾乃順

TOTAL STATE OF

尚書觧

产五

汝曷弗告朕而胥動以浮言恐沈于衆

若火之燎于原不可經過其猶可撲滅則惟爾眾自作 是失夫為臣之義而刑戮之宜加也 言縱使汝之勢餘若火之焚燎于原野不可迫近而 靖非予有咎 沈于衆故盤庚之所以告之者惟欲其施實徳于民 不浮此說亦是惟當時屋臣惟務以無實之浮言恐 如良醫之治病有此病則有此樂也盤庚之臣內則 以遷都利害入告于后惟動以浮言恐沈于衆則

其循可撲滅文雖海散而意實相貫以是知盤庚之 三日年公共 一 言雖詰曲聲牙而不可遽曉然反覆而求之於人情 **火予亦拙謀作乃逸又曰若火之燎于原不可嚮彌** 安不唇作勞不服田畝越其罔有黍稷既曰子若觀 顧成文既曰若農服田力穑乃亦有秋又曰情農自 篇文勢大抵及覆辯論以盡其意故其言終始亦相 是汝犀臣自有誤不善故陷于刑戮非我有過也此 我之威權猶可撲滅譬汝雖強惑終不免於撲滅則 尚書解

遅任有言曰人惟求舊器非求舊惟新 則近也 遅任在籍無所及見鄭氏曰古之賢史也義或然也

案論語周任有言曰馬總以謂周之良史蓋古之史 必賢而有文者為之故多立言以為法於世史佚曰

故學古賢史遅任之言曰人惟求舊器非求舊惟新

史料必有據而云耳盤庚所告者大抵皆世臣巨室

無始禍無怙亂蓋立言者史之職鄭氏以遲任為賢

舊惟新之言而盤庚舉此者但以證人惟求舊耳及 舊也人不厭於舊故我於爾羣臣自乃祖乃父以來 敝當使舊人用新器我今所以從老成之言而遷新 非求舊以為新邑之喻如蘇氏曰人舊則習器舊則 至於不敢動用非德文勢首尾實相類者無取於器 用之於位以至於爾子孫而不廢也此雖有器非求 下文則繼之以古我先王暨乃祖乃父胥及逸勤以

言器舊則敞器至於舊則必易新者而人則不厭其

ĸ

定四車全書 一

尚書解

古我先王暨乃祖乃父胥及逸勤予敢動用非罰世選 爾勞予不掩爾善茲予大事于先王爾祖其從與事之 作福作於子亦不敢動用非徳子告汝于難若射之有 古我先王暨汝厚臣之祖父相與同其勞逸以成我 寧不忍遽為於滅之事以器非求舊惟新故不常厥 邑也王氏曰以人惟求舊故於舊有位之臣告戒丁 邑至於今五遷也此皆求之之過也

我能盡求舊之意而所以待爾者之厚汝苟不能忠 孫世事福禄與商家社稷同為無窮則我於爾厚臣 於國家而肆其傲上從康之志以沮敗朝廷之大事 敢以非罰加汝於是世世選用爾勞子國者不掩蔽 豈敢動用非罰以加於汝非罰謂罰非罪也惟我以 商家之基業是皆有大造于商家社稷宜其子子孫 爾祖爾父與先王胥及逸勤故加惠于爾子孫而不 爾善而使之居于列位以無忘乃祖乃父之德則是 尚書解

司勲云凡有功者銘書於王之太常祭於大孫司勲 獲戾于先王則我雖私汝而不誅亦有不敢也故繼 庚此言泛告在位之庫臣而曰兹予大事于先王爾 予亦不敢動用非德予告汝于難若射之有志周禮 之曰兹子大享于先王爾祖其從與事之作福作災 詔之蓋古者有大勲勞於王室皆得配事於廟觀盤 而司勲之所掌亦無定數也此又古今之禮異不可 祖其從與事之則是古者配食凡有功者皆得與馬 产四层五三 飲定日華全書 一 完以自災于厥身予其敢動用非德而放汝乎言罰 也惟其賞罰生殺之權必視我先王與乃祖之所予 之與德皆簡在先王與乃祖之心而非我之所敢私 私於其間則爾之至於傲上從康先惡于民敗禍姦 善禍淫若影響之應形聲無有差忒者既先王與乃 祖臨之在上質之在旁善則作福不善則作災不容 爾之祖亦從於廟而與享彼鬼神之情聰明正直福 尚書解

不論也大享謂大烝之類言我之祭享于先王之

奪尚有毫髮之私不合乎先王與乃祖之心則我無 罰罰則為濫其問亦不可有毫釐之差也故爾之無 也賞必當功無功而賞賞則為僭罰必當罪無罪而 用非德罰與德皆爾自取而我之用刑賞者惟欲適 則失於彼者在尋文之外我所用賞罰之難亦若是 所逃其責矣故予告汝以用賞罰之難若射之有志 則我不可動用非罰尚爾之有罪則我亦不可動 正鵠也射必中夫正鵠者差於此者有毫釐之間

汝無侮老成人無弱孤有幼 言使其說不得伸其老成人則以為唇養無知而侮 盤庚之選避害而就利則當時之能深思遠慮者亦 处有以遷為利以不遷為害而為當時厚臣扇以浮 其當而無容私於其間則汝當知所趨避而無陷於 刑辟故教之所加如下之所言者也 之其小者則以為孤幼而弱之侮其老而弱其少則 錐欲達其箴言於上而無由盤庚故告之以無侮 101 & dis 10/ 尚書解

罪伐厥死用德彰厥善 各長于厥居勉出乃力聽予一人之作猷無有遠適用 金灾 之所宜加不從以遷則是傲上從康此罰之所不 而從我遷也能從我以遷則是與我胥及逸勤此賞 宜各思長久于所居而勉出乃力以聽我一人之謀 老成人無弱孤有幼蘇氏曰有又通猶言孤與幼也 此説是也 汝既無以老成之人而侮之無以狐與幼而弱之則

|邦之臧惟汝衆邦之不臧惟予一人有佚罰凡爾衆其 惟致告自今至于後日各恭爾事齊乃位度乃口罰及 爾身弗可悔 飲定四庫全書 我用可罰之刑以伐汝有可彰之善則我用命德之 賞而旌汝賞之與刑無非爾之所自取也 也邦之不臧是我一人之威令不行於臣下失其政 邦之臧是汝衆能點其傲上從康之心而從我以遷

尚書解

圭


我亦何容心哉無有遠遍待之如一兩有可死之


告爾摩臣以至於庶民各相告語自今以往至于後 陷罪則我必不佚汝也故遂繼之曰凡爾眾其惟致 不敢有供罰則爾眾當戒懼恐謹無陷於罪辜至於 快盡執拘以歸于周予其殺則供罰云者蓋行姑息 小惠從有罪而不誅之謂也盤庚之意謂我一人 刑而不誅爾浮言之人也佚失也酒誥曰犀飲汝勿 日各恭敬爾所治之事整齊爾所居之位度乃口而 無肆為浮言蓋所謂非先王之法言不敢道苟不能


· N 日 事 全 書 ■ 盡是三者則罰及兩之身雖欲悔之亦弗及矣孔子 日子無樂乎為君惟其言莫子違也蓋人主天下之 以逆上之令其百姓相與容怨而不適有居命之而 樂也而盤庚之遷其屋臣以傲上從康而肆為浮言 姓憚其威畏其命而無敢有違之者此誠人君之所 利勢生殺子奪之權在於掌握言出於口則厚臣百 以夫人主之利勢而與之較驅之以刑罰而使之遷 不聽率之而不從固已異乎言而其予違也使盤庚 尚書解

益若不忍加刑罰於臣民而曲折其解以冀其從 沮抑也如此又不敢以其勢力而與之較則亦何 以先王與乃祖父胥及逸勤予不敢動用非罰且 畏者既告之以其祖父所以事先王者如此又告之 於為君哉蓋得天下有道在得其民得其民有道 天貴為天子富有四海一有所欲為而為臣下之所 其心得其心有道所欲與之聚所惡勿施爾照

則亦誰敢逼之者今其言乃反覆勸諭若将有所其









腾録監生日賈捷三校對官檢討日襲大萬 環校官編修日劉種之